

# CONCELLO DE ARTEIXO



ALCALDÍA

RELGA N.º 2000/141

Praza Alcalde Ramón Dopico, 1  
15142 ARTEIXO (A Coruña)



Tel: 981 60 00 09

Fax: 981 60 24 17

Email: secretaria@arteixo.org

SECRETARÍA XERAL

REF.: MEAM/MCI/2017

ASUNTO: REMISIÓN ACORDO PLENO 26/10/17 SOBRE MOCIÓN PP



En cumprimento do acordado polo Pleno da Corporación na súa sesión ordinaria de data 26 de outubro de 2017, adxunto remítese certificación do acordo adoptado no punto titulado "14º.- MOCIÓN PRESENTADA POLO GRUPO MUNICIPAL PP (R.E. N.º 2017/17371), EN RELACIÓN Á VAGA DE LUMES QUE SUFRÍU GALICIA." para o seu coñecemento e efectos oportunos.

Arteixo, 30 de outubro de 2017



Asdo. Carlos Calvelo Martínez  
ALCALDE-PRESIDENTE

FEGAMP

Varsovia, 4-c 6ªPta. (Edif. Area Central)

FONTIÑAS

15707-SANTIAGO DE COMPOSTELA



# CONCELLO DE ARTEIXO



SECRETARÍA

RELGA N.º 2000/141

Praza Alcalde Ramón Dopico, 1  
15142 ARTEIXO (A Coruña)

Tel.: 981 60 00 09

Fax: 981 60 24 17

Email: secretaria@arteixo.org

SECRETARÍA XERAL  
REF.: MEAM/MCI/2017

D<sup>a</sup> MARÍA ESTHER ÁLVAREZ MARTÍNEZ, SECRETARIA XERAL  
DO CONCELLO DE ARTEIXO (A CORUÑA)

## CERTIFICA:

Que polo Pleno da Corporación, en sesión ordinaria celebrada o día vinte e seis de outubro de dous mil dezasete, adoptouse, entre outros, o seguinte **ACORDO**:

**"14º.- MOCIÓN PRESENTADA POLO GRUPO MUNICIPAL PP (R.E. Nº 2017/17371), EN RELACIÓN Á VAGA DE LUMES QUE SUFRIU GALICIA.-** Pola Secretaria Xeral, sinálase que este punto se incluíu na orde do día pola Alcaldía, ao amparo do art. 27.2 do ROM e arts. 82.3 e 126.2 do ROF, e que é un asunto non ditaminado que require previa ratificación polo Pleno da súa inclusión na orde do día.

Seguidamente pola Presidencia sométese a votación a ratificación da inclusión deste punto na orde do día da sesión plenaria, por non ter sido ditaminado en Comisión Informativa.

Efectuada a votación, arroxa o seguinte resultado:

**VOTOS A FAVOR: UNANIMIDADE**

Á vista do resultado da votación o Sr. Alcalde-Presidente proclama ratificada a inclusión deste asunto na orde do día, **POR UNANIMIDADE DOS SRES. MEMBROS PRESENTES.**

Pola Secretaria Xeral, dase conta da moción presentada polo grupo municipal PP, con Rexistro de Entrada nº 2017/17371 e data 23 de outubro de 2017, do seguinte teor literal:

**"MOCIÓN QUE PRESENTA O GRUPO MUNICIPAL POPULAR DO CONCELLO DE ARTEIXO EN RELACIÓN Á VAGA DE LUMES QUE SUFRIU GALICIA**

O Grupo Municipal do Partido Popular de Arteixo, conforme ao previsto no Regulamento de Organización Funcionamento e Réxime Xurídico das Entidades Locais, preséntalle ao Pleno Municipal a seguinte **MOCIÓN**:

## EXPOSICIÓN DE MOTIVOS:

Galicia sufriu entre o 12 e o 17 de outubro una vaga de lumes sen precedentes, un episodio de actividade incendiaria que supuxo un atentado contra o rural, o medio ambiente, a economía, a vida animal e o mais importante puxo en risco a vida das persoas, producíndose un fatal desenlace co falecemento de catro persoas que lamentamos en profundidade.

Galicia non arde soa. A Galicia quéimana. O acontecido trátase dunha verdadeira afronta e unha aldraxe, que se fixo partindo de dous condicionantes excepcionais, unhas condicións meteorolóxicas extremas, con fortes ventos, altas temperaturas e moi baixa humidade e unha actividade incendiaria

COMPROBADA A EXISTENCIA DOS DATOS  
O/A Funcionario/a



# CONCELLO DE ARTEIXO



SECRETARÍA

RELGA N.º 2000/141

Praza Alcalde Ramón Dopico, 1  
15142 ARTEIXO (A Coruña)

Tel.: 981 60 00 09

Fax: 981 60 24 17

Email: [secretaria@arteixo.org](mailto:secretaria@arteixo.org)

desaforada. Mesmo houbo que facer fronte a incendios que procedentes de Portugal se propagaron en Galicia.

Estes elementos conformaron un ataque inxente que forzou ata o límite o dispositivo despregado pola Xunta de Galicia e que estaba composto por 350 brigadas, 220 motobombas, 40 pas e unha vintena de medios aéreos, ademais de bombeiros de toda Galicia e Grupos de Emerxencias Supramunicipais (GES), uns 5.600 efectivos en total que xa estaban incorporados durante a fin de semana, incluíndo os mais de 600 efectivos da Unidade Militar de Emerxencias (UME), apoiados con 18 autobombas e 6 nodrizas e mesmo, dentro dos medios aéreos, helicópteros procedentes de bases situadas en Murcia, Toledo ou Guadalaxara.

Trátase do maior operativo despregado nesta época do ano e dun dos maiores da historia. Xunto á inestimable colaboración de voluntarios de Protección Civil e de veciños dos lugares afectados, fixéronlle fronte a focos que se sucedían continuada e simultaneamente, e que se multiplicaban en cuestión de minutos.

Todos temos responsabilidades na prevención dos incendios forestais, incluíndo os propietarios dos terreos e os concellos e demais administracións, xa que tamén teñen as súas obrigas en relación coas súas propiedades e vías de titularidade municipal.

Esta vaga de lumes afectou indistintamente a áreas de monte raso, arborado e ordenado, a zonas de pasto, a explotacións gandeiras, a viñedos, e mesmo tamén a núcleos rurais e áreas urbanas con afectación a bens inmobles e mobles. En poucas horas activáronse uns 264 incendios que puxeron a proba ao operativo coordinado pola Xunta de Galicia.

Os cidadáns en xeral e cada administración, no marco das súas competencias, debemos actuar para facer fronte a este problema, que é un problema de todos.

O repunte dos incendios en determinadas épocas do ano, máis aló do verán, é algo habitual nos últimos anos, rexistrándose unha considerable actividade incendiaria en primavera, e como ocorreu este ano de xeito moi marcado, ao longo do mes de outubro. Por iso, e dadas as condicións climatolóxicas adversas que estamos a vivir, a Xunta prorrogou o período de perigo alto de incendios ata o 31 de outubro, manténdose a prohibición das queimas de restos agrícolas e forestais ata nova orde.

En todo caso, o dispositivo galego é potente e flexible, o que permite adaptalo ás circunstancias de cada momento, por iso se puido reforzar o operativo de loita contra os incendios tanto de medios materiais como humanos declarando a emerxencia e prolongando o período alto risco por incendios forestais.

A mellor forma de parar un lume é que non comece, e nesa batalla contra os incendiarios temos que estar todos, medios policiais, Fiscalía, administracións e toda a sociedade.

Por outra parte, no Consello da Xunta de pasado xoves 19 de outubro aprobouse un decreto de medidas urxentes para tentar paliar e reparar os danos provocados polos lumes. A prioridade é atender ás familias das vítimas mortais, neste sentido incrementáronse as indemnizacións para os seus familiares destes falecidos como consecuencia do terrorismo incendiario.

COMPROBADA A EXACTITUDE DOS DATOS  
O/A Funcionario/a



# CONCELLO DE ARTEIXO



SECRETARÍA

RELGA N.º 2000/141

Praza Alcalde Ramón Dopico, 1  
15142 ARTEIXO (A Coruña)

Tel.: 981 60 00 09

Fax: 981 60 24 17

Email: secretaria@arteixo.org

En relación ás persoas que sufriron perdas materiais, especialmente aquelas que viron como o lume afectaba ás súas casas, disporán tanto de asesoramento como de axudas. Daranse tamén axudas para aloxamento ata a reparación das vivendas, ademais de avaliar as naves industriais afectadas que non teñan póliza de seguro.

Tamén se está a traballar na análise dos ríos e das costas co obxectivo de minimizar o risco de que as precipitacións provoquen riadas; planificar a reforestación da superficie afectada, cando sexa preciso, e rexenerar así o patrimonio natural. E a Xunta tamén está a traballar coas confrarías para identificar aqueles terreos danados polos incendios que poidan supoñer un risco para os bancos marisqueiros.

É necesario que nese proceso de apoio aos afectados se involucren todas as administracións. As Deputacións Provinciais, que son os organismos máis achegados aos concellos, e o Estado, deben colaborar tamén para que os danos provocados polos incendios sexan reparados coa maior brevidade posible.

Por todo isto, o grupo municipal do PP solicita ao Pleno da corporación Municipal a adopción dos seguintes **ACORDOS**:

- 1.- Trasladar o agradecemento e apoio a tódolos profesionais que forman parte do operativo de extinción de incendios que coa súa actuación evitaron que a traxedia fora maior; así como as Forzas e Corpos de Seguridade, que coa imprescindible colaboración cidadá, están levando a cabo as súas investigacións para tentar esclarecer a autoría dos incendios.
- 2.- Instar a todas as administracións públicas a asumir as súas responsabilidades en materia de prevención cumprindo coa normativa vixente.
- 3.- Solicitar a todas as administracións a adopción de medidas urxentes co fin de rexenerar as zonas danadas, restablecer os servizos esenciais, compensar aos afectados e atender as necesidades derivadas desta situación, entre elas a minimización do risco de que as precipitacións poidan causar riadas ou danos aos bancos marisqueiros.
- 4.- Instar ao Estado e ás Deputacións Provinciais (estas últimas como principais organismos encargados de dar apoio aos concellos) para que se unan á Xunta de Galicia e participen na concesión de axudas destinadas a paliar os efectos dos lumes. En particular, instase ás Deputacións, en virtude das obrigas que a estes efectos establece o artigo 38 da Lei de Emerxencias de Galicia, a implicarse no cofinanciamento das actuacións de reparación de danos producidos nos bens e instalacións de titularidade municipal."

Deseguido a Alcaldía-Presidentencia da un turno de intervencións.

Non formulándose intervencións, o Sr. Alcalde-Presidente, somete o asunto a votación.

Efectuada a votación, arroxa o seguinte resultado:

**VOTOS A FAVOR: 12 PP**

**VOTOS EN CONTRA: 5 (3 PSOE, 2 BNG)**

**ABSTENCIÓNS: 2 TEGA**

COMPROBADA A EXACTITUDE DOS DATOS  
O/A Funcionario/a



# CONCELLO DE ARTEIXO



SECRETARÍA

RELGA N.º 2000/141

Praza Alcalde Ramón Dopico, 1  
15142 ARTEIXO (A Coruña)

Tel.: 981 60 00 09

Fax: 981 60 24 17

Email: [secretaria@arteixo.org](mailto:secretaria@arteixo.org)

Á vista do resultado da votación a Alcaldía-Presidencia proclama adoptados os seguintes acordos, POR MAIORÍA DOS SRES. MEMBROS PRESENTES:

**PRIMEIRO.-** Trasladar o agradecemento e apoio a tódolos profesionais que forman parte do operativo de extinción de incendios que coa súa actuación evitaron que a traxedia fora maior; así como as Forzas e Corpos de Seguridade, que coa imprescindible colaboración cidadá, están levando a cabo as súas investigacións para tentar esclarecer a autoría dos incendios.

**SEGUNDO.-** Instar a todas as administracións públicas a asumir as súas responsabilidades en materia de prevención cumprindo coa normativa vixente.

**TERCEIRO.-** Solicitar a todas as administracións a adopción de medidas urxentes co fin de rexenerar as zonas danadas, restablecer os servizos esenciais, compensar aos afectados e atender as necesidades derivadas desta situación, entre elas a minimización do risco de que as precipitacións poidan causar riadas ou danos aos bancos marisqueiros.

**CUARTO.-** Instar ao Estado e ás Deputacións Provinciais (estas últimas como principais organismos encargados de dar apoio aos concellos) para que se unan á Xunta de Galicia e participen na concesión de axudas destinadas a paliar os efectos dos lumes. En particular, instase ás Deputacións, en virtude das obrigas que a estes efectos establece o artigo 38 da Lei de Emerxencias de Galicia, a implicarse no cofinanciamento das actuacións de reparación de danos producidos nos bens e instalacións de titularidade municipal."

E para que así conste, expido a presente, ao amparo e coa salvedade prevista no art. 206 do Regulamento de Organización, Funcionamento e Réxime Xurídico das Corporacións Locais e a resultados do texto definitivo da Acta, de orde e co visto e prace do Sr. Alcalde-Presidente, en Arteixo, a vinte e sete de outubro de dous mil dezasete.

  
V. e p.  
*Carlos Calvelo Martínez*  
Asdo: Carlos Calvelo Martínez  
ALCALDE-PRESIDENTE



COMPROBADA A EXACTITUDE DOS DATOS  
O/A Funcionario/a